

Na osnovu člana 6. i člana 56. Zakona o prostornom uređenju ("Službene novine Kantona Sarajevo", br. 7/05), člana 6. Odluke o građevinskom zemljištu Općine Ilijaš ("Službene novine Kantona Sarajevo", br. 3/14, 1/15, 5/15, 24/16), člana 23. i 55. Statuta Općine Ilijaš ("Službene novine Kantona Sarajevo", br. 20/09), Općinsko vijeće Ilijaš, na sjednici održanoj dana 30.05.2017. godine, donijelo je

ODLUKU

O UTVRĐIVANJU NOVOG GRAĐEVINSKOG ZEMLJIŠTA I PLANA PARCELACIJE ZA IZGRADNJU STAMBENIH OBJEKATA NA PARCELI K.Č. BR. 30 K.O. LJUBNIČI

Član 1.

Ovom Odlukom utvrđuje se novo građevinsko zemljište i Plan parcelacije (Elaborat cijepanja) za formiranje sedam građevinskih parcela za izgradnju stambenih objekata sa pratećom infrastrukturom u mjestu Ljubnići.

Član 2.

Plan parcelacije čine građevinske parcele formirane na katastarskoj parceli označenoj kao k.č. br. 30 K.O. Ljubnići po

novom premjeru, a koje odgovaraju parcelama označenim kao k.č. 125/11, k.č. 125/25 iz ZK uloška broj 20 K.O. S.P. Čekrčiči na lokalitetu Ljubnići. Lokalitet je nepravilnog oblika, a ukupna površina obuhvata iznosi 10.920,00 m².

Obuhvat se sastoji od sedam građevinskih parcela planiranih za izgradnju:

- šest (6) građevinskih parcela površine od cca 1.200 m² - 3.380 m², za izgradnju šest apartmanskih stambenih objekata riješenih u istom tipu savremenog dizajna eksterijera i enterijera, maksimalne spratnosti Sut+P+S,
- parcela za izgradnju saobraćajnice: širine profila kolske saobraćajnice P 3,0-4,0 m sa jednostranim trotoarima širine 1,0 m, sa položenim komunalnim vodovima u trasi.

Član 3.

Sastavni dio ove Odluke je Grafički prilog Elaborat cijepanja, ažurna geodetska situacija-parcelizacija.

Član 4.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-1248-12/17
30. maja 2017. godine
Ilijaš

Predsjedavajući
Općinskog vijeća
Mahir Dević, s. r.

